

störf eru umfangsmikil, og megi búast við, að frestur sá, sem ákveðinn er í fyrr- 25 greindum lögum reynist oft fullstuttur, einkum þegar til mála geta komið breyt- 26. apríl ingar á skattalögum og störf skattanefnda tefjast vegna óvissu um afdrif þeirra breytinga á Alþingi.

Ráðherrann telur heppilegast, að fjármálaráðuneytinu verði, svo sem verið hefur undanfarin ár, gefin heimild til að breyta umræddum frestum og tíma- ákvörðunum og að heimildin verði til frambúðar.

Með því að ég tel það brýna nauðsyn, að tekju- og eignarskattur og stríðs- gróðaskattur verði alls staðar á landinu löglega álagður 1944, en ekki sé ástæða til að svo stöddu að láta heimildina ná lengra en til álagningar skatta árið 1944, gef ég út bráðabirgðalög samkvæmt 23. gr. stjórnarskrárinnar á þessa leið:

1. gr.

Heimilt er ráðherra að breyta tímaákvörðunum og frestum þeim, sem um ræðir í IV. kafla laga nr. 6 9. jan. 1935, um tekjuskatt og eignarskatt, eftir því sem þörf krefur, við álagning skatta árið 1944.

2. gr.

Lög þessi öðlast þegar gildi.

Gjört í Reykjavík, 26. apríl 1944.

Sveinn Björnsson.

(L. S.)

Björn Ólafsson.

BRÁÐABIRGÐALÖG

um heimild fyrir ríkisstjórnina til að kaupa eignir setuliðsins á Íslandi.

26

26. apríl

RÍKISSTJÓRI ÍSLANDS

gjörir kunnugt:

Fjármálaráðherra hefur tjáð mér, að til þess að greiða fyrir burtrýmingu hernaðarmannvirkja hér á landi, þegar að því kemur, og með það fyrir augum, að verðmæti þau, sem í þessum mannvirkjum eru, komi að sem bestum notum fyrir landsmenn, telji hann nauðsynlegt, að ríkisstjórninni f. h. ríkissjóðs sé gefin heimild til að festa kaup á eignum setuliðsins.

Með því að ég tel það brýna nauðsyn, að ríkisstjórninni f. h. ríkissjóðs sé veitt ofanefnd heimild gef ég út bráðabirgðalög samkvæmt 23. gr. stjórnarskrárinnar á þessa leið:

1. gr.

Ríkisstjórninni heimilast að kaupa fyrir ríkissjóðs hönd eignir setuliðsins á Íslandi.

2. gr.

Ráðstöfun og sala þeirra eigna, sem yfirteknar verða samkv. heimild í 1. gr., skal framkvæmd af 5 manna nefnd, sem ríkisstjórnin skipar. Fjórir nefndarmanna séu tilnefndir af stjórnmalaflokkunum, einn af hverjum, en ríkisstjórnin skipar formann og sé hann jafnframt framkvæmdastjóri.

26 Forgangsrétt til kaupa á fasteignum eiga, að öðru jöfnu, bæjarfélög og sveit-
26. apríl arfélög, þar sem fasteignin er.

3. gr.

Ríkisstjórninni veitist heimild til að fela hæstarétti að nefna þriggja manna matsnefnd til að ákveða bætur handa landeigendum hér í landi vegna landspjalla, er þeir hafa orðið fyrir af völdum setuliðsins.

Hæstiréttur ákveður hver matsmanna fer með formennsku í nefndinni og skal hann vera lögfræðingur.

4. gr.

Úrskurðir nefndarinnar eru fullnaðarákvarðanir um bætur.

5. gr.

Nú tekur ríkisstjórnin til umráða eða eignar mannvirki, sem setuliðið á hér á landi, og er þá ríkisstjórninni heimilt, að fengnu samþykki hlutaðeigandi bæjar- eða sveitarstjórnar, að láta þau vera áfram þar sem þau eru gegn bótum, sem nefnd sú, er um getur í 3. gr., ákveður.

6. gr.

Ríkisstjórninni er heimilt að setja nánari fyriræli um allt, er lýtur að framkvæmd laga þessara og getur hún ákveðið í þeim, að bótanefndin geti stefnt fyrir sig með opinberri innköllun í Lögbirtingablaðinu, innan tiltekins tíma, kröfum höfum að viðlögðum kröfumissi (preclusion).

7. gr.

Lög þessi öðlast þegar gildi.

Gjört í Reykjavík, 26. apríl 1944.

Sveinn Björnsson.

(L. S.)

Björn Ólafsson.

27

30. marz

AUGLÝSING

um lækun aðflutningsgjalda á kornvörum og sykri.

Samkvæmt heimild í 3. gr. laga nr. 98 9. júlí 1941, sbr. lög frá 24. marz 1944 um breyting á þeim lögum, hefur ríkisstjórnin ákveðið að fella niður frá 1. janúar þ. á. að telja til ársloka 1944 verðtoll af: baunum, ertum, linsum, hveiti, rúgi, ris með hýði eða án hýðis, byggi, höfrum, maís, og annarri ómalaðri kornvöru; mjöli: úr hveiti, úr rúgi, úr ris, úr byggi, úr höfrum, úr maís og öðru ótöldu; grjónum: úr hveiti, úr byggi, úr höfrum, úr ris og öðru ótöldu.

Enn fremur að lækka um helming um sama tíma aðflutningsgjöld af: sykri, strásykri, höggnum sykri (molasykri), sallasykri (flórsykri), púðursykri, steinsykri (kandis) og toppasykri.

Auk þessa hefur verið ákveðið að ekki skuli innheimta verðtoll af farmgjaldi af ofangreindum sykri um sama tíma.

Fjármálaráðuneytið, 30. marz 1944.

F. h. r.

Magnús Gíslason.

Einar Bjarnason.